

გორის მუნიციპალიტეტის საკრებულოს

დადგენილება №24

2010 წლის 3 აგვისტო

ქ. გორი

გორის მუნიციპალიტეტის გამგეობის განათლების, კულტურის, სპორტისა და ახალგაზრდულ საქმეთა სამსახურის დებულების დამტკიცების შესახებ

გორის მუნიციპალიტეტის საკრებულოს 2010 წლის 12 ნოემბრის დადგენილება №52 - სსმ V, №53, 18.11.2010 წ., მუხ.1582

„ადგილობრივი თვითმმართველობის შესახებ“ საქართველოს ორგანული კანონის 22-ე მუხლის პირველი პუნქტის „თ“ ქვეპუნქტისა და 43-ე მუხლის მე-2 პუნქტის, აგრეთვე „ნორმატიული აქტების შესახებ“ საქართველოს კანონის 25-ე მუხლის პირველი პუნქტის „ბ“ ქვეპუნქტის შესაბამისად,

1. დამტკიცდეს გორის მუნიციპალიტეტის გამგეობის განათლების, კულტურის, სპორტისა და ახალგაზრდულ საქმეთა სამსახურის დებულება (დანართი №1);

გორის მუნიციპალიტეტის საკრებულოს 2010 წლის 12 ნოემბრის დადგენილება №52 - სსმ V, №53, 18.11.2010 წ., მუხ.1582

2. ძალადაკარგულად გამოცხადდეს „გორის მუნიციპალიტეტის გამგეობის განათლების, კულტურისა და სპორტის სამსახურის დებულების დამტკიცების შესახებ“ გორის მუნიციპალიტეტის საკრებულოს 2007 წლის 23 თებერვლის №29 დადგენილება;

3. ეს დადგენილება ამოქმედდეს გამოქვეყნებისთანავე.

საკრებულოს თავმჯდომარე ზ. ხმაღაძე

შეტანილი ცვლილებები:

1. გორის მუნიციპალიტეტის საკრებულოს 2010 წლის 12 ნოემბრის დადგენილება №52 - სსმ V, №53, 18.11.2010 წ., მუხ.1582

დანართი №1

გორის მუნიციპალიტეტის გამგეობის განათლების, კულტურის, სპორტისა და ახალგაზრდულ საქმეთა სამსახურის დებულება

გორის მუნიციპალიტეტის საკრებულოს 2010 წლის 12 ნოემბრის დადგენილება №52 - სსმ V, №53, 18.11.2010 წ., მუხ.1582

მუხლი 1. გორის მუნიციპალიტეტის გამგეობის განათლების, კულტურის, სპორტისა და ახალგაზრდულ საქმეთა სამსახური

1. მუნიციპალიტეტის გამგეობის განათლების, კულტურის, სპორტისა და ახალგაზრდულ საქმეთა სამსახური (ტექსტში შემდგომ – სამსახური) არის მუნიციპალიტეტის გამგეობის სტრუქტურული ერთეული, რომელიც

უზრუნველყოფს განათლების, კულტურის, სპორტისა და ახალგაზრდულ საქმეთა მუნიციპალური პროგრამების შემუშავებასა და განხორციელებას.

2. სამსახური თავის საქმიანობას წარმართავს საქართველოს კანონმდებლობის, გამგეობის დებულების, ამ დებულებისა და მუნიციპალიტეტის სხვა სამართლებრივი აქტების შესაბამისად.

3. სამსახურის საშტატო განრიგი და მოხელეთა თანამდებობრივი სარგოები განისაზღვრება გამგეობის საშტატო ნუსხით.

გორის მუნიციპალიტეტის საკრებულოს 2010 წლის 12 ნოემბრის დადგენილება №52 - სსმ V, №53, 18.11.2010 წ., მუხ.1582

მუხლი 2. სამსახურის სტრუქტურა

1. სამსახური შედგება სამსახურის უფროსისა და სტრუქტურული ქვედანაყოფების – განყოფილებებისაგან.

2. სამსახურის სტრუქტურული ქვედანაყოფებია:

ა) განათლების განყოფილება;

ბ) კულტურის განყოფილება;

გ) სპორტის და ახალგაზრდულ საქმეთა განყოფილება.

3. სამსახურის საქმიანობას წარმართავს სამსახურის უფროსი, რომლის უფლებამოსილებები და სამსახურებრივი ფუნქციები განისაზღვრება გამგეობის დებულებით და სამსახურის უფროსის სამუშაოთა აღწერილობით. უფროსის არყოფნის შემთხვევაში, მისი დავალებით, სამსახურის უფროსის უფლება-მოვალეობებს ახორციელებს ერთ-ერთი განყოფილების უფროსი.

4. სამსახურის განყოფილება შედგება განყოფილების უფროსისა და განყოფილების მოხელეებისაგან.

5. განყოფილების საქმიანობას წარმართავს განყოფილების უფროსი, რომლის უფლებამოსილებები და სამსახურებრივი ფუნქციები განისაზღვრება გამგეობის დებულებით და შესაბამისი სამუშაოთა აღწერილობით. განყოფილების უფროსის არყოფნის შემთხვევაში, მისი დავალებით, განყოფილების უფროსის უფლება-მოვალეობებს ახორციელებს განყოფილების ერთ-ერთი მოხელე.

6. განყოფილების მოხელეების უფლება-მოვალეობები განისაზღვრება გამგეობის დებულებით განყოფილების მოხელეების ფუნქციები განისაზღვრება შესაბამისი სამუშაოთა აღწერილობებით.

7. (ამოღებულია - 12.11.10, №52).

გორის მუნიციპალიტეტის საკრებულოს 2010 წლის 12 ნოემბრის დადგენილება №52 - სსმ V, №53, 18.11.2010 წ., მუხ.1582

მუხლი 3. სამსახურის ფუნქციები

სამსახური დადგენილი წესით უზრუნველყოფს:

ა) განათლების, კულტურისა და სპორტის მუნიციპალური პროგრამების შემუშავებასა და განხორციელებას;

ბ) სკოლამდელი სააღმზრდელო დაწესებულებების მართვას;

გ) მუნიციპალური მუზეუმების, თეატრების, ბიბლიოთეკების და კულტურის სხვა დაწესებულებების მართვას;

დ) მუნიციპალური სპორტული დაწესებულებების მართვას;

- ე) წინადადებების შემუშავებას კულტურის, განათლებისა და სპორტის დაწესებულებების შექმნისა და რეორგანიზაციის საკითხებზე;
- ვ) კულტურული, ახალგაზრდული და სპორტული ღონისძიებების მოწყობას;
- ზ) მოქმედი კანონმდებლობითა და მუნიციპალიტეტის სამართლებრივი აქტებით განსაზღვრული სხვა ფუნქციების განხორციელებას.

მუხლი 4. სამსახურის განათლების განყოფილების ფუნქციები

სამსახურის განათლების განყოფილება დადგენილი წესით უზრუნველყოფს:

- ა) განათლების მუნიციპალური პროგრამების შემუშავებას;
- ბ) განათლების მუნიციპალურ პროგრამათა განხორციელების კოორდინაციას;
- გ) სააღმზრდელო დაწესებულებების მართვას;
- დ) მოქმედი კანონმდებლობითა და მუნიციპალიტეტის სამართლებრივი აქტებით განსაზღვრული სხვა ფუნქციების განხორციელებას.

მუხლი 5. სამსახურის კულტურის განყოფილების ფუნქციები

სამსახურის კულტურის განყოფილება დადგენილი წესით უზრუნველყოფს:

- ა) კულტურის მუნიციპალური პროგრამების შემუშავებას;
- ბ) კულტურის მუნიციპალურ პროგრამათა განხორციელების კოორდინაციას;
- გ) მუნიციპალური მუზეუმების, კულტურის სახლების, თეატრების, სახელოვნებო სკოლების და კულტურის სხვა დაწესებულებების მართვას;
- დ) მოქმედი კანონმდებლობითა და მუნიციპალიტეტის სამართლებრივი აქტებით განსაზღვრული სხვა ფუნქციების განხორციელებას.

მუხლი 6. სამსახურის სპორტის და ახალგაზრდულ საქმეთა განყოფილების ფუნქციები

სამსახურის სპორტის და ახალგაზრდულ საქმეთა განყოფილება დადგენილი წესით უზრუნველყოფს:

- ა) სპორტის მუნიციპალური პროგრამების შემუშავებას;
- ბ) სპორტის მუნიციპალურ პროგრამათა განხორციელების კოორდინაციას;
- გ) მუნიციპალური სტადიონების, სპორტული მოედნების, საცურაო აუზების, სპორტული კომპლექსების მართვას;
- დ) ახალგაზრდული ღონისძიებების დაგეგმვა და მოწყობა.
- ე) მოქმედი კანონმდებლობითა და მუნიციპალიტეტის სამართლებრივი აქტებით განსაზღვრული სხვა ფუნქციების განხორციელებას.